

# Ze barri?

ESKORIATZA / Egubakoitza / 2005eko azaroaren 18a / 231. zenbakia

KOORDINATZAILEA: Iker Barandiaran • Otolora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebbarri@goiena.com • Lege gordailua: SS200/99

## Udalak omenaldia egingo dio herriko Mario Padilla txistulari eta euskaltzaleari

IKER BARANDIARAN

Udalak eta hainbat herritarrek merezitako omenaldia egingo diote asteburuan herriko seme Mario Padillari. Bandako zuzendaria, txistulari eta dantzari taldeen sortzailea, ikastolaren bultzatzailea eta askoz gauza gehiago izan da Padilla. Kontzertuak, kalejira eta beste egingo dituzte.

Mario Padillak ez du aspertzeko astirik izan. Hala definitzen dute hainbat herritarrek: "Oso gizon garrantzitsua izan da herrian, ez dago haren parekorik, oso langilea izan da beti. Ez du jakin ezetz esaten, eta egin duen lan guztia boluntario moduan egin du. Askor zor diogu eskoriatzarrok".

Egia esanda, Padillari omenaldia egiteko asmoa joan den udal agintalditik dator, eta Udalez gain, Olazar erretiratuen elkarteak, ikastola, txistulariak, dantzariak eta herritar ugari ibili dira Padillarek merezitako ekitaldiak antolatzen. "Kanpoko musikari ospetsuak ekarri beharrean, gurago genuen herriko jendeak esku hartzea. Are gehiago, ziur Padillak gurago duela horrela egitea".

### PADILLAREN IKASLEEK ESKU HARTU

Esaterako, antolatzaileek gonbidapena bidali diete Padillaren ikasle guztiei —104 bat lagun— domekako kalejiran esku har dezaten. "Horietako askok aspaldi utzi zuten txistua alde batera eta beste asko kanpoan bizi dira; edozelan ere, ikasle izan zirenen erdiek dagoeneko esan digute etorriko direla", azpimarratu zuten antolatzaileek.

Hala, domekan, txistulari beteranoak 12:00etan elkartuko dira. Intxaurtxuetatik irten eta herri osotik kalejira egin ostean, udaletxe ondoan bukatuko dute. Padillaren omenez txistu zaharrei hautsa kendu eta kalejira egiteko gogotsu daudela aitortu digute aspaldiko ikasleek.

### 'MARIO' BIRIBILKETA KONPOSATU

Mario Padilla, besteak beste, herriko bandako zuzendari izan zen. Bandakoek ez dute hori ino-



Argazkian, Mario Padilla kalejiran, txistu eskolako ikasle batzuekin.

## Egitarau mardula, elkarlanean egindakoa

Udalak egitarau mardula antolatu du herrigintzan halako lana egin duen gizon horren omenez. Herriko hainbat elkarte eta taldek lagundu dute hori guztia egiten: Olazar erretiratuen elkarteak, ikastolak, txistulariek, dantzariak, musika bandak...

Bihar, zapatua, hasiko dira ekitaldiak. 19:00etan, *Txistua eta dantza gure kulturaren* erakusketa inauguratuko dute Ibarraundi museoan. Udaleko Kultura Saileko arduradunaren esanetan, "Padillak eta berak zuzendutako taldeak egindakoaz gain, Gorosarri konposatzailearendako ere txoko bat atondu dugu erakusketan".

Horren ostean, 20:00etan, txistulari taldeak eta Musika Eskolako Bandak kontzertua egingo dute parrokiaren. Txistulariek honako piezak joko dituzte: Jesus Guridiren *Mendiko soñua* eta Mokoroaren *Sorgin dantza*, hain zuzen ere.

Jarraian musika bandak esku hartuko du, eta honako hau izango da erreperatorioa: Mozarten *Txirula magikoa*, Vangelisen *Chariots of fire* eta Jacques Offenba-

chen *Ballet Parisien*. Bukatzeko, txistulariek eta bandak biek batera hiru pieza joko dituzte: Manuel Gaintzaren *Biribilketa*, J. Maria Gurrutzagaren *Kontrapas 1* eta Jesus Urrutiak eta Imanol Andetxagag konposatutako *Mario* biribilketa. Azkenean pieza hori Mario Padillaren omenez idatzi dute, eta estreinaldi mundiala izango da zapatukoa.

Bestalde, etzi, domeka, musika gehiago izango da herrian. Hala, 12:00etan Padillaren txistu eskoletako ikasle ohiak Intxaurtxuetan batuko dira. 104 lagun gonbidatu dituzte, ikasle guztiak, baina ez dakite zehatz zenbatek esku hartuko duten.

Txistulariek Intxaurtxuetatik irten eta autobus geltokira joko dute. Handik Olazarrena, Dorletara, HUHEZIra eta goiko kalera. Horren ostean, beharantz egingo dute, eta kale nagusitik herriko plazara jaitsiko dira. 13:00etan, Udalak omenaldi ekitaldia egingo dio Padillari. Udaletxe alboan izango da hori, eta sorpresak izango direla aditzera eman digute.

*Jesus Urrutiak eta Imanol Andetxagag 'Mario' izeneko biribilketa konposatu dute*

*Padillaren txistu eskolako ikasle guztiak gonbidatu dituzte kalejiran esku hartzeko*

*Ibarraundi museoan 'Txistua eta dantza gure kulturaren' erakusketa ikusgai*

laz ere ahaztu, eta zapatu iluntzean parrokiaren egingo duten kontzerturako oso gauza berezia prestatu dute. Hain zuzen ere, bandako Jesus Urrutiak eta Imanol Andetxagag biribilketa pieza bat konposatu dute txistulariek eta bandak jotzeko. Biribilketa horri *Mario* izena eman diote. Pieza horren estreinaldia parrokiako kontzertuan egingo dute. Eta konposatzaileek aditzera eman digutenez, asmoa da urterotz jotea pieza hori, danborradan.

### DANTZA ETA TXISTUA ERAKUSKETAN

Horrez guztiaz gain, Ibarraundi museoan erakusketa bitxia jarri dute. Bihartik, zapatua, abenduaren 4ra arte egongo da ikusgai. *Txistua eta dantza gure kulturaren* izena du eta hainbat material dituzte han. Gorosarri dantza taldearen gainbegiratu egingo dute hainbat argazkiren bitartez. Horrekin batera, jantziak, ezpatak, arkuak, partiturak eta beste batu dituzte erakusketan.



**TELEFONOJAKINGARRIAK**

<b>ESKORRIATZA</b>	
Udaleko bulegoak	943 71 44 07
Udal bulegoak	943 71 45 32
Udal bulegoak	943 71 44 07
Udal bulegoak	943 79 21 68
Udal bulegoak	943 71 46 88
Udal bulegoak	943 71 31 36
Udal bulegoak	943 71 53 28
Udal bulegoak	943 71 31 35
Udal bulegoak	943 71 53 56
Udal bulegoak	943 71 44 86
Udal bulegoak	943 71 49 07
Udal bulegoak	943 71 54 53
Udal bulegoak	943 71 40 77
Udal bulegoak	943 71 41 57
Udal bulegoak	943 71 44 52
Udal bulegoak	943 71 49 17
Udal bulegoak	943 71 40 59

<b>BESTELAKOAK</b>	
Eskualde ospitalea (Arrasate)	943 00 53 00
Gurutzte Gorria (Bergara)	943 76 55 76
Erretiratuak (Arrasate)	943 79 71 99
Suhiltzaileak (Oñati)	943 79 28 00
Herri (Zumarraga)	943 72 15 15
Herri (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Delak	112

**OHARRAK**

**ERRETIRATUENDAKO MAHAI JOKO TXAPELKETA**

Olaraz erretiratuaren elkarteak erretiratuendako mahai joko txapelketa antolatuta du. Briska, mus, tute, domino eta seihoetara jokatzeko aukera izango da. Interesatuak eman izena elkarteko bulegoan lehenbailehen.

**FUTBOL ARETO ETA SASKIBALOI PARTIDUAK**

Bihar, zapatua, hainbat norgehiagoka egingo dituzte. 16:00etan, junior mailako emakumezkoen saskibaloi taldeak jokatu-ko du Oiarso taldearen kontra. 18:00etan, berriz, 1. mailako areto futbol taldeak FS Santurtzi taldea izango du aurkari.

**UMEENDAKO IPUIN KONTAKETA PEIO AÑORGAREKIN**

Eguaztenean, hilaren 23an, umeendako ipuin kontaketa egingo dute biblioteketan, 18:00etan. Peio Añorga izango da ipuin kontatzailea, eta 5 urtetik gorako lagunei zuzenduta dago ikuskizuna.

**Gaur, egubakoitza, 'Ixa' umorezko antzezlan Unibertsitatean**


I.B.

**Gaur, egubakoitza, hileroko hitzordua izango dute Eskoriatzako antzerki-zaleek Unibertsitatean. Udalak antolatuta ohi ditu ikuskizun horiek. Hika taldeko Mikel Laskurain aktoreak *Ixa* umorezko antzezlan eskainiko du. 22:00etan izango da hori.**

Manuel Tejero Benitez edo Ixa —bere identifikazio txartelak dioen moduan— La Navaleko langile ohiaren abentura da *Ixa* ikuskizunaren kontatzen dutena.

Hika antzerki taldearen ekoizpen bat da. Arantxa Iturbek idatzi zuen, eta Agurtzane Intraurraga da ikuskizunaren zuzendaria.

*Ixa* komedia basatia da, La Navaleko langile ohi baten abentura eta zoritxarrak kontatzen dituena. Protagonista edozein gertakizun sozial, politiko edo kultur arlokoetara joango da, taldean sartu eta anonimotasunean aritzeko.



Aspaldian Mikel Laskurain aktorea antzezlan askotan ikusteko aukera dago.

Protagonistak, ikuskizuna atzera bota dutela ikusita, ikusleak bahituko ditu, ikuskizunaren truke zor dizkioten 60 euroak kobratu ahal izateko. Horren

bestez, egoera bereziak sorraziko ditu.

Mikel Laskurain aktore beragararrak 70 minutuko ikuskizun ganberroa egingo du.



**Antontxu eta azpiko etxeak urak hartu ditu**

Astean, Antontxu baserrian eta azpiko etxeetan uholdeak izan dira. Autobidearen lanetako zangak gainezka egin dute. Hala, Antontxu baserria urak inguratu du, eta azpiko etxeetako garaje eta ortuak urak hartu ditu. Antontxukoek esan digute joan den egubakoitzean Euroestudios enpresako segurtasuneko arduradunari deitu ziotela, zangak gainezka egin behar zuela esateko. Ez zuten ezer egin, eta astelehenean bat-batean milaka litro jausi ziren baserriaren eta etxeen gainera. Bizilagunak oso arduratuta daude. / ARGAZKIA: NEREA ZUBIETE.

**LABUR**

**Gabonetako marrazki lehiaketa, eta gaztaina erreak**

Udalak Gabonetako marrazki lehiaketa antolatuta du. Lehiaketan, Eskoriatzan edo Leintz Gatzagan bizi diren 6 eta 12 urte bitarteko neska-mutilek esku hartu ahal izango dute. Hau da, Lehen Hezkuntzako 1. mailatik 6. mailara bitarteko ikasleek, hain zuzen ere.

Edozein teknika erabili ahal izango dute, baina folio tamainako papera izango da aukeratu beharreko euskarria. Lagun bakoitzak marrazki bakarra aurkeztu ahal izango du lehiaketara.

Lanak ludotekan edo bibliotekan aurkeztu beharko dituzte abenduaren 2a baino lehen, eta maila bakoitzeko artean sari bat zozketatuko dute. Aurkeztutako lan guztiak kiroldegian jarriko dituzte erakusgai Gabonetan.

Bestalde, eguenean, hilaren 24an, gaztaina erre eguna ospatuko dute Luis Ezeiza ikas-tetxeko patioan. 17:00etan elkartuko dira, eta eskulan tailerrak jarriko dituzte. Horrez gain, gaztaina erreak eta txokolata beroa eskainiko diote hurbiltzen diren ume eta gaztetxo guztiei. Luis Ezeiza eskolako guraso elkarteak antolatu du ekimen hori.

**Dendariak haserre daude Santa Ana auzoko lanekin**

Santa Ana auzoa eraberritzeko egiten dabilzan lanek hankaz gora jarri dituzte hainbat kale. Arrazoi horregatik, auzoko hainbat dendari haserre daude, eta joan den eguenean Udaletxera hurbildu ziren kezatzera. Alkattea, zinegotzi bat eta lanek egiten dabilen Amaral enpresako arduradun batzuk langileekin elkartu ziren.

Santa Anako dendariak haserre daude denda inguruko lanek urriaren 15erako bukatuta egon behar zutelako eta ez dakitelako noiz bukatuko diren. Horrez gain, arduratuta daude atzerapenak Gabonetako salmentetan kalte handia egin diezaielako.

Amaral enpresak agindu zien lanak lehenago bukatzeko langile gehiago jarriko zituela, eta sarbideak eta argiztapena hobetuko zituela. Bestalde, Udalak aditzera eman du Amaral enpresari eskatu diola lanak lehenbailehen bukatzeko.

Dendariak esan digute aste honetan ez dituztela langile gehiago lanean ikusi, eta oraindik ez dizkietela sarbiderik ezta argiztapenik jarri. Kezkati daude Udalaren eta Amaralaren jarrerarekin.